

PELANCARAN
Pertandingan Menulis
BUKU UMUM
 Kategori Sejarah 2013/2014



Hadiah

Tempat pertama	RM 10,000.00
Tempat kedua	RM 7,000.00
Tempat ketiga	RM 5,000.00



Hamisa menerima cendera hati daripada Jamaluddin (dua dari kanan) di Tawau, semalam.

(FOTO HAYATI NASRAH/BH)

BH 23.5.2013 12

Syor UMS wujud kursus penulisan kreatif

Tawau: Kerajaan negeri mencadangkan pengajian penulisan kreatif peringkat diploma diwujudkan di Universiti Malaysia Sabah (UMS) bagi melahirkan lebih ramai penulis di negeri ini.

Pembantu Menteri Pembangunan Sumber dan Kemajuan Teknologi Maklumat negeri, Datuk Hamisa Samat, berkata usaha ke arah itu boleh dilakukan dengan kerjasama Dewan Bahasa dan Pustaka (DBP).

Katanya, Sabah bukan saja kaya dengan sumber alam se-

mula jadi tetapi juga sejarah yang perlu didokumenkan dalam bentuk tulisan untuk tapatan generasi akan datang.

Beri sumbangan

"Sumbangan golongan penulis masa kini penting terhadap proses kemajuan dan pembangunan negara, termasuk di Sabah.

"Sudah tiba masanya DBP Sabah dan UMS bekerjasama mengadakan kursus penulisan kreatif peringkat diploma kepada lepasan Sijil Pelajaran Malaysia (SPM)," katanya ke-

tika merasmikan pertandingan Buku Umum Kategori Sejarah 2013 di sini, semalam.

Yang turut hadir, Pengarah DBP Sabah, Jamaluddin Mohd Sulong.

Hamisa yang juga Ahli Dewan Undangan Negeri (ADUN) Tanjung Batu, berkata Sabah mempunyai ramai penulis kreatif yang banyak menyumbang kepada perkembangan ilmu pengetahuan selain kesusastraan negeri.

"Sehubungan itu, mereka perlu ada pelapis pada masa akan datang," katanya.

Bagi memastikan Sabah terus maju dan makmur, katanya, kerajaan negeri yang diterajui Barisan Nasional (BN) akan terus memberi perhatian kepada semua pihak termasuk golongan penulis supaya tidak terpinggir daripada arus pembangunan negeri.

Pertahan warisan

"Kepentingan sejarah dan budaya perlu dipertahankan sebagai warisan tamadun tinggi dunia, seiring usaha meningkatkan kemajuan ekonomi negeri," katanya.